



An Official Organ of  
The Bangalore Mizo Association  
Registered under Trust Act of  
Karnataka, [BMH-4-00832-2019-2020]

# BMA AW

BANGALORE MIZO ASSOCIATION CHANCHINBU – PATHIANNI CHHUAK Estd.1984

## BMATHILTUMTE:

- Bangalore-a Mizo awmte inpumkhatna leh thawhona atana hmalak.
- Mizo hnam nun mâwi vawn nun.
- Mizo zinga harsatna tawkte intanpui leh chhiatni/thatni a inphung bawm.
- Mizo ten kan tihthür theuhva, a tha thei ang bera ti thei tura infuih leh inkaihhruai.

Vol. XXXIV Issue No. 16

Date: 20<sup>th</sup> August, 2023

Phek/2

## Nun Hi...

L192E

Pythagoras kha Mathematics leh Philosophy lam thiam nia hriat lar a ni thin a; Pythagoras theorem te pawh zirnain tamtak-ah zir a ni fo thin. Nimahsela, Mathematics leh Philosophy lam thiam bik a nihna piah lamah hringnun chhiar tur a lo nei ve fo mai. Hringnun ah hian engkim mai hi Mathematics anga chawh dik emaw chhut chhuah emaw vek theih a ni lo tih hi Pythagoras khan chiang takin a hmu a ni. Pythagoras chuan “hriatna tak tak awmlo leh awmze awmlo a inhniai ai chuan ngawi renga awm chu a thlanawm zawk” tiin a lo sawi a, he a thu sawi hian awmzia thui tak a neih chu engkim hi mi pakhat hian a hre vek theilo a, hre kim vek se mihring a ni theilo ang; khawl emaw pathian tluk hial emaw a ni dawn si a. Chuvang chuan mi pakhat hian engkim a hre vek theilo angin mathematics numerical hmanga thil chhut chhuah ang hian engkim hi mihring nun ah hian a thleng dik vek theilo a, a ni vek thei bik bawk lo a ni.

Dawr-a tui litre khat an zawrh leh mahni in a tui kan neih litre khat ve ve chu kan hlut dan a in ang lo maithei. Dawr ah chuan zawrh a nih angin a hlutna chu pawisa a teh a ni a, a leitu pawh chuan chu tui chu tui a nihna aimah chuan pawisa a lei a nihna ah chuan a hlut zawk a ni maithei e; lehlamah chuan in a tui awm reng chu kan ta sa emaw kan kawl sa emaw a nih angin a hlutna chu dawra pawisaa kan lei nen chuan a hlut dan kan tehna a thuhmun lo maithei e, mahsela tui a nihna ve ve erawh an hloh lo. Thil bo leh hloh a awm ta zawka chu a tehna hmanrua a teh tu thinlung kha a ni ta zawk a ni.

Mitdel pakhat hian tum khat chu a bula mite bulah chuan lei a kilometre khat leh boruak a kilometre khat hi a thui zawng a inang lo a ti ta tlat mai a; thenkhat chu an han nui ham ham a. Mahsela, a diklo tia sawi thei tumah an awm bik chuang lo angin a dik tia tanpui thei pawh an awm chuang bik lo. Thenkhat chuan ‘han ngaihtuah chian chuan a ni ve thei tho mai a’ tiin zawi sapin an sawi a. Thenkhat chuan kilometre khat theuh theuh a in sei hleih theilo tiin an tan hmun chu dik ti awm fahran hian an nui var var hlawm a. Engpawhnise la tiin chu mitdel chuan tumahin in teh thei chuang bawk silo; a dik nge diklo pawh in hriat theih loh avang chuan a sawi chhuaktu ka nih angin ka dik ber a ni ang a tiin a sawi a.

Engpawhnise, he mihring nun ah hian mi pakhat hi engtiklai pawhin a dik reng theih lo a, famkimlo a siam kan nih angin tumah famkim pawh kan awm lo. Chumi a nih avang tak chuan kan tlatna mual ah chuan ar pa chan kan chang a ni maithei, a piah lawkah ar pa chan kan chan theih loh hun a awm ve bawk. Chuvang chuan ngilnei ila, thuhnairawlh ila, midang tanpui thei turin inpe ila, mi hnuaichhiah ching lo ila, mi chanchin a chhe zawnga sawitu nilo ila, a siamtha tu kan nih loh pawhin ti chhe lo ila; tichuan khawtlang nuam tak kan din thei dawn a ni.

**Editor**

Tv F. Lalchhandama  
M: 9362640342

**Joint Editors**

Tv. V. Lalchhandama  
M: 8731008141  
Tv. Joel Zoramthansanga  
M: 8257996887

**Circular Managers**

NI Nancy Lalengmawii Chhakchuak  
NI Carolene Lalramthanpuii

**BMA President**

Pu Laldingliana Tlau Vantawl  
M: 9972228955

**BMA Secretary**

NI Vanhmingliani Hnamte  
M: 9535365525

Website: <http://www.bangaloremizo.org>

# BMA NEWS

- **BMA Football Tournament 2023** chu neih mêk a ni a; he BMA League ah hian Team Riat (8) chhuakin, Kum danga kalpui thin dan ang bawkin 15<sup>th</sup>, 19<sup>th</sup> khelh niin Final hi 26<sup>th</sup> August 2023 ah khelh tura ruahman a ni.

He BMA Football Tournament hi **Zonunsang Handloom & Handicraft Centre**, Chhinga Veng, Aizawl te chuan min sponsored a ni.

**Co-Sponsors-**

- Lailen Consulting Pvt Ltd, Tuikhuahtlang, Aizawl
- Mizoram Youth Commission
- Mizoram Health care, Upper Bazaar, Aizawl

**Supporting Sponsor-**

- MS Collection, Millennium Centre, Aizawl

**Editorial**

Kan Mizo pi leh pute khan thenawmte nena indo ai chuan khaw sawm do a thlanawm zawk an lo tih thin kha; kha thu an lo sawi fo thinna chhan kha eng dang vang niloin, keini Mizote hi cheng ho thin, thil ti ho thin kan ni. Harsat leh mangan, hlimni ber ah pawh thenrual thate nena harsatna leh hlimna inṭawiawm thin kan nihna avang a ni ber. He kan hnam nun leh chin than ropui tak hi, hmun dang leh hnam dangte nunah hian kan hmu lem lo, hei hi kan Mizo-na, kan nihna danglamna chhan pawh a ni.

Mizo Kristian kan nih hnu ah phei chuan nasa takin kan khawtlang-ah tah tha a chhuah a; khawtlang tha zawk kan neih phah a ni. Kan hnam nun leh kalphung hloh silo hian Kristianna nena mawi taka kan par chhuah tur thiam hi, hnam nun chawisanna atan a tul hle ang.

He BMA Football League hian hlut a hlawh hle a; Bangalore a Mizo awm te mai bakah an thian hnadang hmun hrang hranga awm te pawh an lo kal khawm a; ni nihna (i.e 19<sup>th</sup> August '23) ah phei chuan Team thenkhata player te chu Minerva Football Club in an Club-a Trial nei turin an sawm nghal bawk a ni. Heng ang zawng zawng hi BMA in Mizo nula leh tlangvalte hmakhua ngaia thahnem ngaia a buatsaihna rah zel a ni.

Final hi 26<sup>th</sup> August 2023 ah khelh tur niin hemi ni hian BMA chuan Bangalore a Mizo awm zawng zawngte a sawm a; he football league hi BMA hian Football promote na atana a hman ai mahin Bangalore a zofa awmte pawhkhawm nan leh infuihtharna hunh manna hun atan a hmang ber thin a; he hun hi hun hlawkthlak leh ropui tak BMA Calendar Year ah chuan a ni awm e. He tournament hun chung hian BMA OB leh Hruaitute lam atangin infuih tharna leh hma kan sawnna tur kawng chi hrang hrangin kalkhawmte a fuih reng thin a ni.

- **BMA Fresher's Social (Kaitharte Lawmna)** hun chu 15<sup>th</sup> August 2023 khan Bangalore University Football Ground ah neih a ni a, Fresher's 31 lai an lo kalkhawm a, inkawmna hun tha tak neih niin Fresher's King leh Queen duhawm tak tak thlan an ni a. Self-Introduction hun te hmangin; Fresher's te chuan hlu an ti hle. Fresher's aiawh hian BMCF Chaplain Tv V. Lalrobuanga chuan thusawina hun tawi a hmang bawk a; BMA President Pu Laldingliana Tlau Vantawl chuan lawman leh fuihna thu tha tak a sawi bawk.
- **BMA Member Registration** pawh kum 2023-24 atan in register hun kalpui leh mek a ni a; he registration ah hian Online pawhin registration a tih theih tawh a, mahni awmna section emaw BMA OB te hnen ah ngaihven theih reng a ni.

***BMA AW hi mimal emaw  
chhungkua anga sponsor duh tan  
sponsor theih reng a ni.***

\*\*\* Buaina leh harsatna ilo tawk palh a nih chuan, BMA Hruaitute be rawn vat thin la, Hruaitute tana hmalak a awlsam zawk nan BMA Member ni ve ngei ang che. \*\*\*

***"I lo bengvar deuh deuh nan BMA AW chhiar thin la, chanchin thar i hriat duh chuan [www.bangaloremizo.org](http://www.bangaloremizo.org) i tlawh thin dawn nia. Tin, 'Bangalore Mizo Association' facebook group ilo zawm ve dawn nia..."***